

PUOGAE YA MOPHATO 2

Ke seo ditsala di tshwanetseng go nna sona



SETSWANA



Buka

2



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele barutwana ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa
kgang fa e ba letla go dira jalo.



Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Ke seo ditsala di tshwanetseng go nna sona



Jane le Ineeleng ba ne ba
palamela dibaesekelle tsa
bona gaufi le noka. Jane o
ne a palamela ka bonako.
Fa a kgokologela kwa tlase
ga thaba, o ne a palamela
ka bonakwana a bo a
oketsa lebelo. Ineeleng a
re, "Fokotsa lebelo, Jane!
Fokotsa lebelo! O palamela
ka bonako thata!"





Fokotsa
lebelo Jane!

Ka tshoganyetso Jane a
thula lefika le le motsu. O ne a
lebelela kwa tlase mme a bona
thaere ya gagwe e dule mowa.
“Nnyaya tlhe!” a lela.

“Baesekele ya me e
pontšhitse!”

“O se ka wa tshwenyega,
Jane”, ga araba Ineeleng. “Ke
tlaa go thusa go e petšha”.

Mme Ineeleng le Jane ba bo
ba lebetse go tla ka dilwana
tsa go petšha kgotsa tsa
pompa maotwana.





Nnyaya tlhe! Baesekele
ya me e pontšhitse!



Ke tlaa go thusa
go e petšha.



Ineeleng a re, "Ke tlaa
palamela go ya gae gore
ke ye go tla le pompo".

Ineeleng o ne a kgweeletsa
baesekele kwa gae, mme
a tlogela Jane le ntšwa
ya gagwe.

"Ga ke kitla ke tlhola ke
palama baesekele ntle le
dilwana tsa go petšha",
Jane a mumuretsa.



Ke tlaa boa
ka bonako!



Jane o ne a ema, a ema
a bo a ema. O ne a ema
sebaka se seleele mme a
simolola go tshwarwa ke
tlala le lenyora.

"Go setse go tlaa fifala",
a akanya.





Ke ipotsa gore a
Ineeleng o tlaa boa
pele go nna lefifi?

Morago Jane o ne a bona
Ineeleng a kgweeletsa
kwa tlase ga tsela le
abutiagwe Dumisani.

Jane o ne a ba itumeletse
thata.

"Ke itumetse thata gobo
o boile!" Jane a goa fa
a ntse a tabogela go
kgatlhantsha Ineeleng
le Dumisani.






Ke a leboga fa o boile.
A o tlile ka pompo?

Dumisani o ne a thusa
basetsana ba babedi
go pompa leotwana.

Mme morago a re,
"A re yeng gae pele
go nna lefifi thata".






Bana ba ne ba palama
dibaesekele ba boela gae
mo leseding la ngwedi.

E ne e le motsila o
moleele. Ba ne ba utlwa
digwagwa di ntse di re,
gwaa-gwaa, le merubisi e
ntse e re, huuu-huuu. Ba
ne ba utlwa le dinyetse
di re, tsintsiri-tsintsiri le
dipeba kana magotlo a
ntse a tswinya.





Ba ne ba kgabaganya
borogo.

"Bona ngwedi!" ga bua
Ineeleng. Ngwedi o tlhapile
e bile o bonesitse tsela.

"Re tshwanetse go goroga
kwa gae ka bonako", ga bua
Jane. "Mme o ya go simolola
go tshwenyega ka ga me".

"E setse e le gaufi le ura ya
borobedi", ga bua Dumisani.

"Re tshwanetse go goroga
kwa gae mo metsotsong e
ka nna masomeamararo".





"Ra bo ra goroga mo gae!"
ga bua Jane fa a tlamparela
Ineeleng. "Ke a leboga Ineeleng",
ga bua Jane. "O tota o le tsala
ya botlhokwa!"

"Ke seo ditsala di tshwanetseng
go nna sona", ga bua Ineeleng.

Ditsala tsa nnete di a thusana!



Go nna o babalesegile

Pabalesego ya mo tseleng

-  Lebelela matlhakore oomabedi fa o kgabaganya.
-  Kgabaanya kwa makgabaganyong a dipitse tse ditilodi.
-  Ema fa roboto e le khividu.
-  Lebelela matlhakore oomabedi fa o palame baesekele.
-  Obamela melawana ya tsela.
-  Rwala lekarapa ka metlha yotlhe fa o palame baesekele.
-  Sikara kgetsana ya dilwana tsa go baakanya baesekele ka metlha yotlhe.

Pabalesego ya baesekele

- Rwala lekarapa ka dinako tsotlhé.
- Palama le tsala ka dinako tsotlhé.
- Apara diaparo tsa meballa e e phatsimang.
- Netefatsa gore dithaere tsa gago di pompilwe.
- Sikara kgetsana ya dilwana tsa go baakanya baesekele gammogo le pompo.
- Tsenya mabone a a pakaselang mo baeskelen ya gago.
- Lotlela baesekele ya gago fa o e tlogela kwa ntle.



Ditirwana tsa puiso ya ditlhophha



1

Lebelela ditshwantsho tse di fa tlase mme o bolelele tsala ya gago gore:

- Go diragala eng mo setshwantshong sengwe le sengwe?
- Ke setshwantsho sefe se se tshwanetseng go nna sa ntlha, sa bobedi le sa boraro?
- Ke setlhogo sefe se e leng sa setshwantsho sengwe le sengwe?

Dumisani o ba thusitse



Jane o lebogile Ineeleng



Jane o thutse letlapa



Dirisa ditshwantsho tse go go thusa go tlotlela tsala ya gago gore go diragetse eng:

- mo matsenong a kgang
- mo mmeleng wa kgang
- kwa bokhutlong jwa kgang



2

Diragatsang kgang e.



3

Buisetsa tsala ya gago dipolelo tse di latelang.
Morago o dirise dipolelo tseo ka tatelano e e nepagetseng go tlotla kgang gape.

- Jane o ne a thula letlapa mme thaere ya gagwe ya tswa mowa.
- Dumisani o ne a thusa basetsana go petšha thaere.
- Jane le Ineeleng ba ne ba ya go palama dibaesekele tsa bona.
- Jane o ne a leboga Ineeleng le Dumisani gonne ba mo thusitse.
- Ineeleng o ne a ya go batla pompo.



4

Kopolola lenaneo le le fa tlase.
Kwala mafoko a a tswang mo kgannyeng kgotsa mafoko a gago a a simololang ka medumo e **th, ph, ts** le **ll**.

th-	ph-	ts-	ll-
_____	_____	_____	_____
_____	_____	_____	_____

Tlhophpha medumo e e nepagetseng go feleletsa mafoko a:

___ u	___ o	___ aba	ph
___ ipa	___ oti	___ ala	th nk




Lebelela tsebe ya 14 mme o kwale medumo e diphologolo tse di e dirang.



Bolelela tsala ya gago dikarabo tsa dipotso tse.

- Naya setlhogo sa kgang e.
- Baanelwa ba kgang e ke bomang?
- Ke goreng Ineeleng a ne a ya kwa gae mme a tlogela Jane a le esi?
- A o akanya gore Jane o ne a le botlhale go emela Ineeleng? Tshegetsa karabo ya gago ka lebaka.
- Fa o ne o le Jane o ne o ka dira eng?



Itseye gore o Jane. Kwalela Dumisani le Ineeleng karata ya ditebogo tsa gobo ba go thusitse.

PUOGAE YA MOPHATO 2



Buka 2

Leina kana setlhogo:	Ke seo ditsala di tshwanetseng go nna sona
Puo:	Setswana
Maemo:	Padiso ya Mophato 2 Maemo 2 Buka 2
Mofuta wa sekwalwa:	Kanelo
Mafoko a tlwaelo:	ledile, arabile, le, boena, goile, go, pele, kgonile, tshabile
Tlotlofoko:	dibaesekelle, pontsha, dithulusu, mumureditse, lesedi, ngwedi, hutara, ledile, tswirinya
Medumopuo:	oo, ea, ei, ai, ie, ou, oa, ts, th, tsh, tl, tsw, ngw
Diteng, marel le bokgoni:	<ul style="list-style-type: none">• Tlhalosa ditshwantsho.• Tlhomaganya ditshwantsho.• Nyalanya ditlhogo le ditshwantsho.• Dirisa ditshwantsho go tlotla kgang gape.• Diragatsa kgang e.• Tlhomaganya ditshwantsho go tlotla kgang gape.• Batla mafoko a a nang le medumopuo e e latelang mo kgannyeng: th, tsw, ts, ngw.• Dirisa medumopuo e e latelang go feleletsa mafoko: ts, th, ngw, ae.• Kwala medumo e e diriwang ke diphologolo.• Buisa o bo o arabe dipotso tsa tekatlhaloganyo.• Kwala karata ya tebogo.

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekatlhaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiboruteleng tsa bona.

ISBN 978-1-4315-2661-1



9 781431 526611



ISBN 978-1-4315-2661-1

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 2:



Sisi o iponela tsala e ntšhwa

Ke botshelo jwa ntšwa

Pitse e tilodi e bone
methaladi jang?

Jerry o rata go buisa



Bubu o a latlhega

Ke seo ditsala di tshwanetseng
go nna sona

Pidipidinyana e e maswe



Baesekle e ntšhwa ya ga
Bakang

Diphologolo di ya kwa
lewatleng

Wendy Leruarua o boloka
botshelo